

DESKRISAUN BA POZISAUN

Ofisiál Projetu Edukasaun

Titulu pozisaun	Ofisiál Projetu Edukasaun
Lokalizaun	Manatuto, Timor-Leste
Relata ba	Senior Ofisiál Projetu Edukasaun
Grau	4 Etapa 1
Salariu	USD\$ 619 kada fulan
Tipu Pozisaun	Full – time (Tempu Integral)
Durasaun	Fulan 6 (Jullu – Dezembro)
Data komesa	01 Jullu, 2024

1. Konaba CARE iha Timor-Leste

1.1 Konaba CARE

CARE hanesan organizasaun internasional ba dezvoltimentu no umanitariu ne'ebé servisu iha Timor-Leste dezde 1994. Ho programa sira ne'ebé konsentra iha munisipiu hotu iha rai-laran, CARE servisu hamutuk ho parseiru sira atu salva moris, halakon ki'ak, no atinje justisa sosial.

CARE servisu ho komidade sira iha area rural no hamutuk ho parseiru sosiedade sivil sira atu luta hasoru dezigualdade jéneru, tamba ida ne'e hatudu ona katak dalan efektivu ida atu kria impaktu ba dezvoltimentu ne'ebé sustentavel.

Asegura moris di'ak no rona fetu no labarik fetu sira nia lian iha area ne'ebé rural no dezvantajen sai nudar sentru ba CARE nia servisu. Ida ne'e atinje liu husi area prioridade haat hanesan Edukasaun, Hakbiit Fetu sira-nia Ekonómia, Saúde no promove Fetu sira-nia Lian iha sosiedade liu husi programa dezvoltimentu no umanitariu sira.

1.2. Konaba Programa

CARE iha Timor-Leste, liu husi implementasaun estensaun ba Programa HATUTAN ne'ebé finansiadu husi Departamentu Agrikultura Estados Unidos America (USDA), atu harii parseria entre eskola no komidade sira-nia hodi sai di'ak liu iha literasia, matenek, saúde no nutrisaun ba labarik sira no adultu sira iha Munisípiu Ainaru, Ermera, Manatutu no Oé-cusse. Programa ne'e hala'o parseria ho Ministériu Edukasaun (ME) nudar xefia Ministériu, atu fortifika dezempeñu pre-eskolár no eskola primária iha literasia, saúde no nutrisaun no apoiu ba implementasaun husi programa merenda skolár governu nian. Programa HATUTAN mos hala'o servisu besik ho Ministériu Administrasaun Estadu, Ministériu Saúde, Ministériu Agrikultura, Pekuaria, Peskas no Floresta.

2. Knaar

2.1. Objetivu ba pozisaun ne'e :

Ofisiál Projetu Edukasaun sei bazeadu iha Eksola Sentrál sira hanesan asesór ba agrupamentu eskola sira no mós apoiu iha eskola filiál sira. Númeru eskola tarjetu bele to'o 10 no barak liu iha área ne'ebé remota no rural no bele inklui pré-eskola balun. Serbisu ida-ne'e presiza ema ida-ne'ebé bele serbisu ho profesionalizmu. Bele serbisu mesak ka iha ekipa. Iha abilidade komunikasaun ne'ebé di'ak no fasil dezenvolve relasaun di'ak ho ema seluk. Iha abilidade di'ak hanesan fasilizador no bele fasilita formasaun, halo animasaun, iha abilidade planeamentu no organizaun, bele adapta situasaun ho lais; bele proativu foti asaun no fó solusaun, bele foti inisiativu no kreativu, iha abilidade serbisu ho pesoal eskola no komunida iha area rural no remota sira. Pozisaun ida-ne'e presiza viajen frekuente ba fatin projetu iha munisípiu nia laran no viajen balun ba fatin servisu iha munisípiu sira seluk. Durante semana mak eskola sei halao aula sira, semana servisu tenke inklui Sábada hodi halao atividade iha eskola sira. Serbisu ne'e mós bele aplika toba iha comunidade. Pozisaun ne'e sei bazeadu iha Munisípiu Manatuto ho viajen balun ba Dili no fatin seluk ne'ebé implementa programa ba.

2.2. Responsabilidade Prinsipál sira

Ofisiál Projetu Edukasaun sei fó apoiu direktamente ba pesoal eskola sira hodi hadiar prosesu hanorin literasia iha pre-eskola sira nomos Ensinu Baziku Siklu 1 ne'ebé halo liu husi:

- apoiu Grupu Traballu Profesor iha agrupamentu ka/no nivel eskola;
- oferese apoiu mentoría hodi organiza biblioteka ki'ik (kantu lee atrativu) no aplikasaun sistema empresta livru;
- mentoría ba manorin iha hanorin literasia no jestaun eskola nian liu observaun aula no oferese komentariu konstrutivu ida-ho-ida ba manorin ka liu grupu;
- implementasaun atividade estra-kurikulár (animasaun: jogu aprendizajem; kria to'os eskolar; estabelese klubu alunu sira, estabelese grupu voluntariu sira);
- fasilita sesaun edukasaun inan-aman ho membru comunidade;
- mobiliza inan-aman iha re-ativa Konsellu Inan-aman no Responvéil (KIAR/AIAP) hodi fó ba oan nia aprendizajem liu kria ambiente seguru no saudável ba sira nia aprendizajem iha eskola nomos iha uma.
- Apoiu mentoría ba jestor eskola iha hadia boa pratika jestaun eskola nian;
- Apoiu jestor eskola no manorin iha promove atividade saúde eskolar no pratika nian iha eskola (Ez: asegura iha sentina feto no mane ba alunu sira, pratika fase-liman ho sabaun, are livre fuma, ambiente moos no furak, eskola livre tauk no violensia);
- Promove edukasaun inklusivu no integradu.

3. Kriteria ba selesaun

ESPERIENSIA NO KUALIFIKASAUN

- Kompletu ona baxalatu iha área Edukasaun (Prefere Ensinu Báziku) no/ka Treinu Vokasionál iha estudu Edukasaun, Jestaun, Desenvolventu Komunidade, Umanidade ka ekivalente;
- Mínimu iha esperiênsia serbisu tinan fulan 6, tinan 1 ka 2 iha área edukasaun no iha koñesementu kona-ba situsaun no kondisaun sistema eskola iha Timor-Leste;
- Iha esperiênsia antes hanesan estajiaru iha eskola, profesór ka formadór profesór sira ka esperiênsia ho organizasaun naun-governmentál mos fó vantajen;
- Hatene hakerek no komunika iha Tetum ho di'ak; fó vantajen se hatene lian Inglés
- Iha abilidade di'ak kona-ba jestaun tempu, inklui abilidade atu planeia no jere prioridade serbisu oin-oin hodi aseguara bele atinji serbisu ho di'ak tuir nia tempu;
- Onestu, hatene mantein konfidensialidade no konfiável;
- Iha esperiênsia serbisu ho organizasaun lokál no internasionál, no iha vontade atu aprende kona-ba CARE nia serbisu no politika, igualidade jéneru empoderamentu fetu no protesau labarik;
- Hanoin kritiku, resolve problema (problem solving)
- Forte iha komunikasaun verbal
- Abilidade atu uza programa komputadór natoon hanesan Microsoft Word no Email.
- Abilidade atu uza motor iha área rural no dook ne'ebé difisil atu asesu, no hatene kona- ba regras tranzitu no mós iha lisensa kondutór válidu.
- Iha esperiênsia servisu kona-ba halo Kordenasaun ho lider komunidade, lideransa eskola, juventude no parte intersada seluk
- Iha esperiênsia mobiliza komunidade hodi partisipa iha enkontru ou treinamentu sira
- Iha Esperiênsia iha organiza no fasilita trienamentu
- Kompreensaun ne'ebé di'ak tebes kona-ba metodolojia partisipatóriu atu mobiliza komunidade nomos abilidade maka'as ho fasilitasaun

Nota

CARE prioritiza seguransa husi membru komunidade sira ne'ebé mak ami servisu hamutuk, liu-liu sira ne'ebé mak vulneravel liu iha sosiedade, inklui fetu no labarik sira. CARE sei la tolera asédu seksual, explotaun ka abuzu komete husi funsionáriu ka parseiru sira, no ida ne'e hatuur ona iha ami nia sistema hodi prevene no hatan ba risku salvaguarda iha lalaok servisu hotu.